



REPUBLIKA E KOSOVËS/REPUBLIKA KOSOVA

## GJYKATA THEMELORE GJILAN - DEGA E GJYKATËS KAMENICË

Numri i lëndës: 2023:259385  
Datë: 14.03.2024  
Numri i dokumentit: 05454335

C.nr.858/2023

**GJYKATA THEMELORE NË GJILAN-Dega në Kamenicë, Departamenti i Përgjithshëm, Divizioni Civil,** gjyqtari Artan Abazi, me bashkëpunëtoren profesionale Teuta Gashi, duke vodosur në çështjen juridike kontestimore të paditësve M. S. –nga ....dhe J. M. nga ..... të cilët i përfaqëson Selmon Sadiku, avokat nga Kamenica, kundër të paditurës Komuna e Kamenicës, Drejtoria Komunale e Arsimit në Kamenicë, me objekt kontesti kompensim i diferencës së pagës në bazë të kualifikimit-licencimit, me vlerë të objektit të kontestit prej 3,904.00 euro, jashtë seancës gjyqësore më datën 14.03.2024, mori këtë:

### A K T G J Y K I M

**I. APROVOHET** në tërësi e bazuar kërkesëpadia e paditesve M. S.– nga ..... dhe J. M.nga ....., dhe **DETYROHET** e paditura Komuna e Kamenicës – Drejtoria Komunale e Arsimit në Kamenicë që paditësve, t’ia paguaj shumat si në vijim:

Paditeses M. S. – .nga ....., në emër të kërkesës për kompensim të diferencës së pagës mbi bazën e kualifikimit – lëvizje në gradim-fakultet që përcillet me ngritje page 27 % të pagës bazë për 27 muaj, t’ia paguaj shumën nga 61.00 euro, për një muaj, respektivisht shumën prej 1,590.00 euro, me kamatë ligjore prej 8%, duke llogaritur nga dita e paraqitjes se padisë (datë 15.11.2023) e deri në pagesën definitive, e të gjitha këto në afat prej 7 ditësh nga dita e pranimit të këtij aktgjykimi, nën kërcënimin e përmbarimit të dhunshëm.

Paditësit J.M. nga ....., në emër të kërkesës për kompensim të diferencës së pagës mbi bazën e kualifikimit – lëvizje në gradim-master që përcillet me ngritje page 35 % të pagës bazë për 26 muaj, t’ia paguaj shumën nga 89.00 euro, për një muaj, respektivisht shumën prej 2,314.00 euro, me kamatë ligjore prej 8%, duke llogaritur nga dita e paraqitjes se padisë (datë 15.11.2023) e deri në pagesën definitive, e të gjitha këto në afat prej 7 ditësh nga dita e pranimit të këtij aktgjykimi, nën kërcënimin e përmbarimit të dhunshëm.

**II. DETYROHET** e paditura që në emër të shpenzimeve të procedurës, t’ia paguaj paditësit shumën 196.00 €, në afat prej 7 ditë, nga dita e pranimit të këtij aktgjykimi, nën kërcënim të përmbarimit me dhunë.

### A r s y e t i m

Paditësit përmes përfaqësuesit të tyre me autorizim, në këtë gjykatë më datë 15.11.2023, kanë parashtruar padi kundër të paditurës Komuna e Kamenicës – Drejtoria Komunale e Arsimit, për kompensimin e diferençës në pagë për punonjësin me Licencim. Në përbajtjen e padisë të njëjtë kanë theksuar se paditësit janë të punësuar tek e paditura. Më tej ka shtuar se paditësit fillimisht janë drejtar të paditurës – Komunës se Gjilanit- DKA-së, ku kanë kërkuar kompensimin e diferençës me Licencim, mirëpo të njëjtë nuk janë përgjigjur. Gjykatës i ka propozuar të aprovojë të bazuar kërkesëpadinë e paditësit dhe të detyroj të paditurën më kompensimin e shumës të aprovuara si në pikën I të dispozitivit të këtij aktgjykimi. Shpenzimet e procedurës i ka kërkuar më shumën prej 156.00 €, për përpilim të padisë; 40.00 € për taksë gjyqësore, apo shumën e përgjithshme më shumën prej 196.00 euro.

E paditura më përgjigjen më padi ka kërkuar nga gjykata që kërkesëpadia e paditësit të refuzohet më tërësi si e pabazuar duke theksuar se e paditura nuk ka legitimit real pasiv për faktin se për zbatimin e Vendimit Nr.01/33 të datës 29.08.2008, shprehimisht më pikën 8 të këtij vendimi është përgjegjëse Ministria e Arsimit, Shkencës dhe Teknologjisë, Ministria e Ekonomisë dhe Financave dhe Ministria e Shërbimeve Publike, duke shtuar se me qëllim të implementimit të vendimeve të Qeverisë, një shumë e caktuar financohet nga niveli komunal, kurse pjesa tjetër nga niveli qendror.

Gjykata ka vlerësuar parashkrin e kërkesës bazuar më kundërshtimin e të paditurës, por ka gjetur se periudha kohore e kërkuar për këtë kompensim nuk është e përfshirë më parashkrim siç e pretendon e paditura, pasi bazuar më nenin 87 të Ligjit të Punës, padia është parashtruar më datë 15.11.2023, kurse kërkesa është llogaritur për 3 vite mbrota nga dita e parashtrimit të kërkesës, përkatësisht nga data 01.01.2021 (më saktësisht 2 vite).

Gjykata konform nenit 394, 395 dhe 396 të dispozitave të Ligjit të Procedurës Kontestimore (më vijim: LPK-së) të paditurës i ka dërguar aktvendimin për përgjigje më padi, së bashku me padinë dhe provat e bashkëngjitura padisë për tu deklaruar me shkrim më padinë e paditësit.

Gjykata pas pranimit të përgjigjes më padi ka konstatuar se janë plotësuar kushtet ligjore përmarrjen e aktgjykit Jashtë seance gjyqësore, bazuar më nenin 398, paragrafi 1 të Ligjit për Procedurën Kontestimore (LPK), më të cilën është përcaktuar se “*Kur gjykata, pasi t'i arrijë përgjigja më padi, konstaton se ndërmjet palëve nuk është kontestuese gjendja faktike, dhe se nuk ekzistojnë pengesa të tjera për dhënjen e vendimit meritor, atëherë ajo, pa caktuar fare seancë gjyqësore, mund të jepë aktgjykin me të cilën e pranon si të themeltë kërkesëpadinë*”.

Gjykata ka gjetur se mes palëve nuk është kontestuese se paditësit janë të punësuar te e paditura (fakt i vërtetuar edhe nga Vërtetimi me nr. të prot 52, i datës 09.02.2023 për paditësen Mërginë Halili, nuk është kontestues fakti se i njejti punon më këtë shkollë, nuk është kontestues fakti se e njejta ka të kryer Fakultetin e Shkencave Matematike Natyrore më Prishtinë, dhe mori titullin bachelor i matematikës financiare më banka dhe sigurime, nuk është kontestues fakti se e njejta ka pagën bazë 421.00 euro (fakt ky i vërtetuar nga Lista e Buxhetit të Republikës së Kosovës), (Vërtetimi me nr. prot 117, i datës 15.09.2023 për paditësin Jetullah

Mehmeti, nuk është kontestues fakti se i njejti punon në këtë shkollë, nuk është kontestues fakti se i njejti ka të kryer Masterin e Shkencave të Gjeografisë, nuk është kontestues fakti se i njejti ka pagën bazë 421.00 euro (fakt ky i vërtetuar nga Lista e Buxhetit të Republikës së Kosovës).

Gjykata, para se të vendos në mënyrë meritore në këtë çështje kontestimore i ka vlerësuar kushtet ligjore nga nen 398 i LPK-së, me të cilin përcaktohet se “*kur gjykata, pasi t'i arrrijë përgjigja në padi, konstaton se ndërmjet palëve nuk është kontestuese gjendja faktike dhe se nuk ekzistojnë pengesa të tjera për dhënien e vendimit meritor, atëherë ajo, pa caktuar fare seancë gjyqësore, mund ta japë aktgjykimin me të cilin e pranon si të themeltë kërkesëpadinë*”, dhe ka konstatuar se ekzistojnë kushtet ligjore për marrjen e këtij Aktgjykimi, pasi që faktet vendimtare nuk janë kontestuar nga ana e të paditurës, respektivisht nuk është kontestuar gjendja faktike, se paditësit janë në marrëdhënie pune tek e paditura.

Andaj, gjykata në këtë çështje kontestimore sa i përket të drejtave subjektive të paditësit dhe lartësisë së saj, ka zbatuar dispozitat e Kontratës Kolektive të Arsimit në Kosovë, të datës 18.04.2017 dhe Kontratës kolektive në fuqi të datës 22.01.2021, konkretisht nenin 7 të kësaj Kontrate, si dhe Mendimit Juridik me nr.prot.214/2023, të datës 09.10.2023, të Gjykatës Supreme të Kosovës, ndërsa procedura është zhvilluar në bazë të Ligjit të Procedurës Kontestimore në fuqi.

Sipas nenit 2 parag.1 dhe 2 të Ligjit të punës, është paraparë se “Dispozitat e këtij ligji zbatohen për të punësuarit dhe punëdhënësit e sektorit privat dhe publik në Republikën e Kosovës. Dispozitat e këtij ligji zbatohen edhe për të punësuarit dhe punëdhënësit, punësimi i të cilëve rregullohet me ligj të veçantë, nëse ligji i veçantë nuk parashikon zgjidhje për çështje të caktuara nga marrëdhënia e punës”, kurse sipas 90 të këtij ligji, është paraparë se: “*1. Marrëveshja Kolektive mund të lidhet ndërmjet: 1.1. organizatës së punëdhënësve ose përfaqësuesit të tij, dhe 1.2. organizatës së të punësuarve ose kur nuk ekzistojnë organizata, marrëveshjen mund ta lidhin edhe përfaqësuesit e të punësuarve; 2. Marrëveshja Kolektive mund të lidhet në: 2.1. nivel të vendit, 2.2. nivel të degës, 2.3. nivel të ndërmarrjes; 3. Marrëveshja Kolektive duhet të jetë në formë të shkruar, në gjuhët zyrtare të Republikës së Kosovës; 4. Marrëveshja Kolektive mund të lidhet për një periudhë të caktuar me kohëzgjatje jo më shumë se tri (3) vjet. 5. Marrëveshja Kolektive vlen për ata punëdhënës dhe punëmarrës të cilët marrin përsipër detyrimet e përcaktuara me Marrëveshjen e tillë Kolektive. 6. Marrëveshja Kolektive nuk mund të përfshijë dispozita të tilla që kufizojnë të drejtat e të punësuarve që kanë si pasojë kushte më pak të favorshme të punës sesa ato të përcaktuara në këtë ligj*”, ndërsa me nenin 4, parag. 2 të po këtij ligji, është paraparë se: “*Kontrata Kolektive nuk mund të përbajë të drejta më pak të favorshme për të punësuarin dhe punëdhënësin se sa të drejtat e përcaktuara me këtë ligj*”, e po ashtu lidhur me këtë sipas nenit 3 parag.1 pikë 1.8 i këtij ligji ka paraparë se shprehjet e përdorura në këtë ligj kanë këtë kuptim ”*Kontrata kolektive është marrëveshje ndërmjet organizatave të punëdhënësve dhe punëmarrësve me të cilën rregullohen të drejtat, detyrat dhe përgjegjësit që rrjedhin nga marrëdhënia e punës sipas marrëveshjes së arritur*” kurse me pikën. 1.11 të po këtij paragrafi është paraparë se ”*Kontrata e punës është akt individual e cila lidhet ndërmjet punëdhënësit dhe të punësuarit, me të cilën rregullohen të drejtat, detyrat dhe përgjegjësit që rrjedhin nga marrëdhënia e*

*punës në pajtim me këtë ligj, me Kontratën Kolektive dhe Aktin e Brendshëm të Punëdhënësit.* Sipas nenit 8 parag. 1 të Ligjit për Marrëdhëniet e Detyrimeve (në vijim: LMD), është paraparë se: “*Pjesëmarrësit në marrëdhënien e detyrimit kanë për detyrë ta përbushin detyrimin e vet dhe janë përgjegjës për përbushjen e të njëjtë*”. Kurse sipas nenit 7 të Kontratës Kolektive të Arsimit në Kosovë, të datës 18.04.2017 të nënshkruar në mes të Sindikatës së Bashkuar të Arsimit, Shkencës dhe Teknologjisë (SBASHK), dhe Ministrisë së Arsimit, Shkencës dhe Teknologjisë (MASHT), është paraparë se: “*Me licencim fitohet e drejta në punë, avancim në karrierë dhe zhvillim profesional në bazë të legjislacionit të punës në fuqi. Të punësuarve u mundësohet kualifikimi pa shkëputje nga puna sipas legjislacionit të arsimit në fuqi, dhe mbi bazën e kualifikimit sipas pikës 1.3 të këtij nenit është paraparë se mësimëdhënësi me diplomë fakulteti 27% e pagës bazë*” dhe *35% me diplomë masteri.*

Gjykata gjeti se paditësit i takon kompensimi i pagesës për gradim-diferencë në bazë të Vendimi i Qeverisë, Nr.01/33 i datës 29.08.2008, si dhe Mendimit Juridik, me nr.prot.214/2013, të datës 09.10.2023, të Gjykatës Supreme të Kosovës, është paraparë se dispozita e nenit 7 të Kontratës Kolektive të Arsimit në Kosovës e datës 17.04.2017 dhe Kontratës në fuqi të datës 22.01.2021, ka karakter detyrues, për palët nënshkruuese, në rastin konkret për të paditurën Komunën e Vitisë, ashtu që gjykata të njëjtit i ka aprovuar shumën e kërkuar që përcillet me ngritje page 35% të pagës bazë për periudhën të përshkruar si në pikën I të dispozitivit. Sa i përket lartësisë së kërkesëpadisë për shumën e gjykuara dhe të aprovuara, gjykata ka vendosur pa nxjerrë ekspertizë përkatëse për shkak të ekonomizmit të procedurës ngase shumat ishin lehtë të kalkulueshme dhe të qarta për gjykatën.

Lidhur me pretendimet e të paditurës të parashtruar me përgjigjen në padi se KKAK nuk prodhon efekt juridik për të paditurën, për gjykata e që pretendim i tillë është i pabazuar nga fakti se në bazë të Mendimit Juridik të Gjykatës Supreme të Kosovës me nr.214/2013 të dt.09.10.2023 dhe nenit 7 të Kontratës Kolektive ku parashihen gradimet dhe Vendimit nr.1/33 të vitit 2008 të Qeverisë së Republikës së Kosovës i cili ka qenë në fuqi deri më datën 06.02.2023, dispozita e lartcekur e nenit 7 ka karakter detyrues.

Përgjegjësinë e të paditurës, gjykata e gjeti edhe nga neni 245 i Ligjit për Marrëdhëniet e Detyrimeve (LMD), në të cilin është përcaktuar se “Kreditori në marrëdhëniet e detyrimit ka të drejtë që prej debitorit të kërkojë përbushjen e detyrimit, ndërsa debitori ka për detyrë ta përbushë atë me ndërgjegje dhe në tërësi, në përputhje me përbajtjen e tij”, pasi me rastin e nënshkrimit të KKA-së, e paditura ka hyrë në marrëdhënie të detyrimeve me të punësuarit e saj.

Nga të theksuarat më sipër, gjykata vendosi si në pikën I të dispozitivit të këtij aktgjykimi, duke ia aprovuar të bazuar kërkesëpadinë paditësit për kompensimin e licencimit-kualifikimit.

Lidhur me vendosjen për kamaten, gjykata është bazuar në dispozitën e nenit 382 të LMD-së, por që e ka marrë konsideratë edhe Mendimin Juridik për kamaten (lidhur me ligjin e aplikueshëm, lartësinë dhe periudhën e llogaritjes) të Gjykatës Supreme, nr.265/2020, të datës 02.12.2020.

Gjykata vendosi si në pikën II të dispozitivit të këtij aktgjykimi, bazuar në dispozitat ligjore nga neni 449, 452, 453 dhe 463 të LPK-së, duke marrë parasysh suksesin e paditësit në këtë procedurë dhe kërkesën e specifikuar për këto shpenzime, ashtu që ia njohi kërkesën e shpenzimeve sa i përket përpilimit të padisë dhe taksës gjyqësore, si shpenzime të nevojshme për ndjekjen e çështjes në gjyq. Sa i përket lartësisë së shpenzimeve të procedurës u bazua në nr. tarifor 6 dhe 7 të Rregullorës për Tarifën e Avokatëve të Kosovës.

Nga të lartëcekurat, bazuar në nenin 143, paragrafi 1 lidhur me nenin 398 të LPK-së, u vendos si në dispozitiv të këtij aktgjykimi.

**GJYKATA THEMELORE NË GJILAN – Dega në Kamenicë**

**Departamenti i Përgjithshëm**  
**C.nr.858/23, datë 14.03.2024**

**Gjyqtari d.v**  
**Artan Abazi**

**UDHËZIM JURIDIK:** Kundër këtij aktgjykimi është e lejuar ankesa Gjykatës së Apelit në Prishtinë, në afat prej 7 ditë, pas ditës së pranimit të të njëjtit. Ankesa dorëzohet në dy ekzemplar përmes kësaj gjykate.